

Zeitschrift: Annalas da la Societad Retorumantscha
Herausgeber: Societad Retorumantscha
Band: 73 (1960)

Artikel: Poesis [i.e. Poesias]
Autor: Vial, Gion
DOI: <https://doi.org/10.5169/seals-225019>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 02.02.2025

ETH-Bibliothek Zürich, E-Periodica, <https://www.e-periodica.ch>

Poesis

da Gion Vial

Laghet Azur

In egl serein il lag resplenda
il betsch da tschiel en purpur blau;
mo mintgaton sco stgira senda
in nibel varga senza vau
sur sia fatscha senza menda,
il lag surri ch'igl ei vargau.

Da teissa spunda la lavina
sedersch' en furia cun fracass
maligna forza sefestgina
in cor da glatsch en siu cuirass
ils pégn barbus sco stgeina fina
la sdreina, sfracc' el lag giu bass.

In egl quiet il lag resplenda
il betsch da tschiel uss serenau;
mo tscheu e leu dal funs sestenda
sco plontas rutas il vargau;
e til' in nibel leva tenda
sestezza il fastitg de tut stemprau.

Larmas

Las larmas che nus vein bargiu
sur vesta maina ein rucladas
el cor ein crap las daventadas
e surcarschidas lu plaunsiu.

Il cor denton en grev marteri
el plonscha, petga senza cal
e less untgir, fugir il mal,
lu stunclantaus in di stat eri.